

Ni Presidente Dieter F. Uchtdorf

Maikadua a Mammagbaga iti
Umuna a Panguluén



Apit ti Dios

Maysa a balasang nga agnagan iti Christa ti naminsan a nagtrabaho iti bassit a kompania ti bukukel. Impategna ti trabahona. Daytoy ti pagtaudan ti dakkel a kinadatdatlag a ti tunggal bassit a bukel nga inlakona ket addaan iti kabaelan a mangbal-baliw iti bagina iti maysa a banag a namilagruan—maysa a karot, repolio, wenna uray pay nabileg a kayo ti roble [oak tree].

Pagay-ayat ni Christa ti agtugaw iti sango ti kompiuterna tapno mangala kadagiti order ken agsungbat kadagiti saludsod. Ngem maysa nga aldaw nakaawat iti reklamo a namagsiddaaw kenkuana.

“Saan nga agtubo dagiti bukel,” kinuna ti kustomer. “Ginatanko dagitoy dua a bulan ti napalabasen ket awan met ti agtubo.”

“Immulam kadi dagitoy iti nasayaat a daga ken sinibugam ken impainitmo kadi dagitoy iti umdas?” Dinamag ni Christa.

“Saan, ngem inaramidko ti partek,” insungbat ti kustomer. “Ginatanko dagiti bukukel. Iti baet ti amin, dagitoy ket *naipanammama* a dumakkel.”

“Ngem dimo immula dagitoy?”

“Diak impalubos. Kaipapananna a marugitan dagiti imak.”

Pinanunot ni Christa maipapan iti daytoy ket inkeddengna a nasken a maisurat dagiti pangiwawan iti panagmula. Inkeddengna a kastoy ti umuna a pangiwawan: “Nasken a surotem dagiti annuroten iti panagmula tapno agrusing dagiti bukukel. Saanmo a mabalin nga

idulin dagitoy iti kabinet ket namnamaem dagitoy a dumakkel.”

Di nagbayag sakbay ti sabali pay a reklamo a namagsiddaaw kenkuana.

“Saan nga agbunga dagiti bukukel,” kinuna ti kustomer.

“Immulam kadi dagitoy iti nasayaat a daga?” Insungbat ni Christa. “Inikkam kadi dagitoy iti umisu a kaadu ti danum ken lawag ti init?”

“Ay, wen,” impilit ti kustomer. “Inaramidko amin dayta--eksakto a kas iti naibaga iti pakete. “Ngem saan nga immobra dagitoy.”

“Adda kadi banag a napasamak? Nagrusingda kadi?”

“Awan ti napasamak,” kinuna ti kustomer. “Immulak dagitoy kas naibilin. Ninamnamak nga adda koma kamatis a pangrabii. Ita napaayak unay.”

“Agurayka,” insungbat ni Christa. “Kunkunam kadi a nagmulaka iti bukukel ita?”

“Saanka nga agang-angaw,” insungbat ti kustomer. “Immulak dagitoy makalawasen ti napalabas. Diak namnamaen a makakita kadagiti kamatis iti umuna nga aldaw; naganusak. Ibagak kenka, namin-adu a nagsibsibugak ken nagur-urayak manipud idi ken ita.”

Ammo ni Christa a nasken nga inayonna ti maysa pay a pangiwawan: “Dagitoy a bukukel ket mayannurot kadagiti paglintegan ti biolohia. No agmulaka iti bukukel iti bigat ket namnamaem a makasidaka iti kamatis iti dayta a lawas, maupaykanto. Nasken nga aganuska ken agurayka a maiparang iti sanguanam ti aramid ti nakaparsuaan.”

Nagbalin a nasayaat ti amin agingga nga immawat ni Christa iti sabali pay a reklamo.

“Napaayak unay kadagiti bukbukelmo,” inruigi ti kustomer. “Immulak dagitoy segun iti inrekomenda ti pakete. Sinibugak dagitoy, siniguradok a naipainit dagitoy, ken nagurayak agingga nga iti kamaudianan pinataudda ti apitda.

“Kasla inaramidmo nga umisu ti amin a banag,” kinuna ni Christa.

“Mayat unay amin dayta,” insungbat ti kustomer. “Ngem ti naalak ket zucchini!”

“Ipakita dagiti rekordko a dagita dagiti bukel nga inordermo,” kinuna ni Christa.

“Ngem diak kayat ti zucchini; kayatko dagiti karabasa!”

“Diak sumursurot.”

“Immulak dagiti bukbukel iti sangakadisso a pagmulaan iti karabasa—ti mismo nga isu met laeng a daga nga agpataud kadagiti karabasa itay napalabas a tawen. Inaldaw a dinayawko dagiti mulmula, nga imbagbagak kadakuada nga agbalindanto a napipintas a karabasa. Ngem imbes a dadakkel, nagbukel, a maris-kahel a karabasa, nakaalaak iti atiddog, berde a zucchini. Tontonelada dagitoy!”

Ammo ngarud ni Christa a mabalin a saan nga umdas dagiti pangiwawan ken kasapulan a dakamaten ti pagbatayan: “Ti bukel nga imulam ken ti oras ti panagmula ti mangikeddeng iti apit.”

Ti Linteg ti Apit

Insuro ni Apostol Pablo maipapan ti apit ti Dios:

“Dikay koma maallilaw; ti Dios saan a marabrabak: ta ti ania man nga imulanto ti maysa a tao, apitennanto met.

“Ta ti agmula a maipaay iti lasagna, iti lasag apitennanto ti panagrupsa; ngem dayta agmula a maipaay iti Espiritu, iti Espiritu apitennanto ti biag nga agnanayon.

“Ditay ngarud mabannog iti panagaramid iti naimbag; ta inton tiempona agapittayo, no ditay maupay” (Taga Galacia 6:7–9).

Kadagiti kallabes unay a panawen, inikkannatayo ti Apo iti nayon a sirib ken pannakaammo ken pannakaawat iti daytoy saan nga agbalaliw a linteg:

“Adda paglintegan a di maibabawi ti pannakaipaulogna iti langit sakbay ti pannakabukel daytoy a lubong a nakibatayan amin a bendision—

“Ket no makagun-odtayo iti ania man a bendision manipud iti Dios, daytoy ket babaen ti panagtulnog iti dayta a paglintegan a nakaibatay” (DkK 130:20–21).

Ania man ti imulatayo, apitentayo.

Awan duadua a nagloriaan ti apit ti Apo. Kadagitay agdaydayaw Kenkuana, umay dagiti nawadwad a paraburna iti “sukat a naimbag, napenpen, nasedsed, ken agliplippias. . . . Ta ti rukod a pagrukodyo isunto met laeng ti pakarukodanyo” (Lucas 6:38).

Kas iti panagkasapulan dagiti naindagaan a bukbukel iti panagkagumaan ken panaganus, kasta met ti kaadu dagiti parabur ti langit. Ditayo maikabil ti relihiontayo iti kabinet ket namnamaentayo ti agapit kadagiti naespirituan a parabur. Ngem no agmulatayo ken aywanantayo dagiti pagrukodan ti ebanghelio iti inaldaw a panagbiag ti pamiliatayo, nalabit a dummakkelto dagiti annaktayo tapno agpataudda iti naespirituan a bunga a dakkel ti pategna kadakuada ken kadagiti masakbayan a kaputotan.

Saan a kanayon a madagdagus dagiti sungbat ti Dios kadagiti kararagtayo—no dadduma kasla saandan a dumteng—ngem ammo ti Dios no ania ti kasayaatan para kadagiti annakna. Naipanamna nga iti maysa nga aldaw makitatayo a nalawlawag; ken iti dayta nga aldaw mabigbigtayonto ti kinaimbag ken kinamanagparabur ti langit.

Ita a panawen, ti panggep a tun-oyentayo ken dakkel a rag-otayo ket magna kadagiti addang ti Maestro ken Mangisalikan ken agbiag iti nasayaat ken napintas a biag tapno matagikuatayo ti naikari ken napateg nga apit kadagiti di magatadan a parabur ti Dios.

Ania man ti imulatayo, apitentayo.

Dayta ti linteg ti langit.

Dayta ti linteg ti apit ti Dios.

PANANGISURO MANIPUD ITI DAYTOY A MENSAHE

Paglilinnawagan kadagiti sarungkaranyo no kasano a mayaplikar ti linteg ti apit ti Dios kadagiti pannakilangen, kombersion ken pammaneknek, wenno panggep a tun-oyen iti karera ken edukasion. Mabalin a basaen ken ibilangmo dagiti nasantuan a kasuratan a mainaig iti daytoy a linteg, kas iti Proverbio 11:18; 2 Taga Corinto 9:6; ken Alma 32. Allukoyem ida a mangsubli a mangadal kadagiti panggep a tun-oyen ken mangituding kadagiti panggep a tun-oyen a manggun-od kadagiti nalinteg a pagbanagan. Tulongan ida a mangaramid iti plano nga agtignay a situtunos tapno maragpat ti atiddog ti agpangna a panggep.

Planuenyo ti Apityo

Ti linteg ti Apo iti apit ket no kayattayo ti maysa a banag iti kamaudianan, nasken nga itrabahotayo daytoy itan. No kayattayo ti maaddaan iti minuyongan, nasken nga agmulatayo kadagiti bukbukel, ket salaknibantayo dagitoy manipud kadagiti ruruot. No ditayo aramiden daytoy, awanto ti ania man nga apitentayo iti kamaudianan!

Iti baba ket listaan ti sumagmamano a nasayaat a “bunga” a mabalin a kayatyo iti biagyo. Mangisuratka

iti sumagmamano a banag a maaramidmo itoy a bulan a makatulong kenka nga umawat kadagitoy a bendision.

- Naragsak a pagtaengan
- Edukasion
- Nasayaat a gagayyem
- Panagbuniag ken Kumpirmasion
- Pammaneknek ni Jesucristo

© 2014 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/14. Pannakaanamongna a maipatarus: 6/14. Pannakaipatarus ti *First Presidency Message, August 2014*. Ilokano. 10868 864



Ti Nadiosan a Mision ni Jesucristo: Mesias

Pammati • Pamilia • Tulong

Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawatyo iti biag ken mision ti Mangisalak ket mangpapigsa iti pammatiyo Kenkuana ken mangparabur kadagiti ay-aywananyo babaen ti visiting teaching? Para iti mainayon nga impormasion mapan iti reliefsociety.lds.org.

Daytoy ti paset ti maysa a serye dagiti Mensahe iti Visiting Teaching a mangitampok kadagiti aspeto ti mision ti Mangisalak.

Isuro dagiti nasantuan a kasuratan a makapagnaeddayo iti sidong ti Dios “malaksid no adda pamateg, ken panangngaasi, ken parabur ti Nasantuan a Mesias” (2 Nephi 2:8). *Mesias* ket “balikas nga Aramaic ken Hebreo a kaipapananna ti napulotan.” . . . Iti Baro a Tulag maawagan ni Jesus iti Cristo, a Griego a kapada ti *Mesias*. Kayatna a sawen ti napulotan a Propeta, Saserdote, Ari, ken Mangisalak.”¹

Ni Elder Jeffrey R. Holland ti Korum dagiti Sangapulo-ket-dua nga Apostol impaneknekna: “Ammok a ni [Jesucristo] ti Maysa a Nasantuan ti Israel, ti Mesias nga umayto manen iti maysa nga aldaw iti maudi a gloria, tapno agturay iti daga kas Apo dagiti appo ken Ari dagiti arari. Ammok nga awan ti sabali pay a nagan a naited iti babaen ti langit a mabalin a pakaisalakanan ti lalaki [wenno babai]”²

Ni “[Jesucristo] ti Mangisalak ken Mannubbot ti lubong,” kinuna

ni Presidente Dieter F. Uchtdorf, Maikadua a Mammagbaga iti Umuna a Pangulu. “Isu ti naikari a Mesias. Nagbiag Isuna a naan-anay ken sinubbotna dagiti basoltayo. Kanyon nga addanto Isuna iti abaytayo. Makiranget Isuna kadagiti dangadangtayo. Isu ti namnamatayo; Isu ti mangisalakantayo; Isu ti dalan.”³

Dagiti Mainayon a Nasantuan a Kasuratan

Juan 1:38–41; 4:25–26, 40–42; 2 Nephi 6:13; 25:16–17

Manipud kadagiti Nasantuan a Kasuratan

Dagiti babai a disipulo ni Cristo ket nagbalinda a saksi iti akemna a kas Mesias. Ni Maria Magdalena ket maysa a disipulo ni Jesucristo. Isu ti umuna a nakakita iti “bato a naligsayen idi tanem” iti agsapa ti Panagunang ni Cristo. Isu ket “agtaktakder nga agsangsangit idi iti ruar iti asdeg ti tanem” kalpaskan a natakuanan nga awanen ti bagina iti tanem.

Kalpaskan “timmaliaw iti likudan, ket namatmatanna ni Jesus

nga agtaktakder idi, ngem dina impagarup nga isu ni Jesus.

“Kuna kenkuana ni Jesus, Babai, apayapay agsangitka? asino ti sapsapulem? Isu, idi ipagarupna nga isu ti managaywan iti minuyongan, kunana kenkuana, Apo, no sika ti nangikkat ditoy ibagam kaniak no adino ti nangikabilan kenkuana, ket ipanawkonto ditoy.

“Kuna kenkuana ni Jesus, Maria. Di babai simmango, ket kunana kenkuana, Rabboni, a kayatna a sawen, Mannursuro.” Nabigbig ni Maria a saan nga Isu ti agmulmula no di ni Jesus, ti Mesias. (Kitaen iti Juan 20:1–17.)

DAGITI NAGADAWAN

1. Pangiwanwan iti Nasantuan a Kasuratan, “Mesias”; scriptures.lds.org.
2. Jeffrey R. Holland, “The Only True God and Jesus Christ Whom He Hath Sent,” *Liahona*, Nob. 2007, 42.
3. Dieter F. Uchtdorf, “The Way of the Disciple,” *Liahona*, Mayo 2009, 78.

Ibilang Daytoy

Apay a nasken a maawatantayo ti akem ti Mangisalak kas Mesias?